

09 MAR 2002

TIMBALAN PERDANA MENTERI S'PURA AKAN LAWAT M'SIA

KUALA LUMPUR, 9 Mac (Bernama) -- Timbalan Perdana Menteri Singapura Lee Hsien Loong akan melakukan lawatan rasmi empat hari ke Malaysia mulai Isnin.

Beliau akan diiringi oleh tiga Anggota Parlimen -- Zainudin Nordin, Cedric Foo dan Lim Hwee Hua -- serta para pegawai Kementerian Luar.

Lee dijadual menemui Perdana Menteri Datuk Seri Dr Mahathir Mohamad, Timbalan Perdana Menteri Datuk Seri Abdullah Ahmad Badawi, Menteri Luar Datuk Seri Syed Hamid Albar dan Menteri Pertahanan Datuk Seri Najib Tun Razak, menurut Wisma Putra dalam satu kenyataan hari ini.

Lee dan anggota delegasi dijangka membincang dan bertukar-tukar pandangan bagi meningkatkan hubungan dua hala serta pembangunan politik dan ekonomi di rantau ini, menurut kenyataan itu.

Lee juga akan melawat Pahang dan mengunjungi Menteri Besar Datuk Seri Adnan Yaakob.

Malaysia percaya lawatan itu akan memberi sumbangan ke arah peningkatan hubungan dua hala antara kedua-dua negara demi manfaat bersama kedua-dua rakyat dan negara, menurut kenyataan.

-- BERNAMA

FA HS FAZ